

◎讀故制臺申魯亭大人公牘略誌

阮伯卓

前者鄙人已述故藩臺申用中大人之歷史。且證大人乃國初道學之儒。故儒教之澤所被。克昌永世。俾繼起者皆賢達君子。不負喬木世臣之望。茲更讀制臺申魯亭大人遺文。足見世臣之聲聞之家風。其足令人景仰爲何如也。故藩臺申用中大人諱文懷。字凝之。故藩臺申用中大人之第三子。而現今總督申仲憲大人之先嚴也。公生於嘉隆三年。一八四十歲失恃。幼勤學問。倜儻有大志識者多器之。明命二年。辛酉恩科及九年。十一年。二十年等科均試中秀才。紹治元年。一八四一辰三十九歲試中恩科解元。累舉進士不第。四年十月派往慶和省候補。五年正月蒙試署新定縣。六年二月省官摺舉爲人公廉勤幹。行檢可觀。奉批準來京引見。四月蒙陞授翰林院著作充內閣秘書所行走。奉準賜入閣之明日。上御東閣召諭云。爾是申文權第幾子。年幾何。鬚已若許。能詩否。爾兄得何病久不仕。跪奏訖。上顧謂閣臣阮久長等云。伊世家子知學。甫入閣或進退未嫻。宜導之。七年二月奉派纂修玉牒。十月登光大禮。奉檢年號美字進呈。奉硃圈嗣德元年。一八四八正月蒙陞授承旨。二年二月調集賢院侍講充經筵起居注。三月奉充會試同考。六月上疏諫有一衰經未離於翼室。遊觀已起於後湖」之句。上怒飭問「又是申文懷首倡也。」三年三月蒙陞授侍讀。十二月調授嘉定省督學。南圻經略使阮知方疏敍「師範頗端」。五年正月蒙署平順省按察使。辰年四十九歲上疏諫遊幸涼榭後圃事。六年二月調鴻臚寺卿參辦閣務。六月廷舉國子監祭酒。奉硃批「申文懷甫入閣辦事勤幹。豈應遽別補。」欽此。七年正月蒙以原銜辦理禮部事務。四月兼辦大理寺印務。五月奉派往清化省查辦案件。又欽交勘辦清化寧平二省民爭徵田土之案。這案經交二省臣。

勘處積十一年不能平。公勘辦僅二十餘日清帖就理尋蒙寔授八年以本銜領永隆省布政使九年正月陞授太僕寺卿仍領三月蒙以本銜辦理兵部事務十一月調領廣南省布政使奉上諭「廣南昔爲中省今係衝煩之地申文懷遇事認眞朕素簡知該轄外則洋船尙在內則民食稍艱爾當知無不爲盡心所事以稱所委」欽此十一年正月陞署布政使七月洋船十三艘抵沱㶞汛惹事得降四級留此次大隊官兵防勦警報一夕數至公對於兵民事務籌辦不敢少懈繼因潦流失所沉船一艘得革職留十年有執奏請停派檢民船並捐令不一等事十三年洋船駛去奉準以供給調度妥濟免其革留是年疏諫軍次及廷臣誤國貽禍之事十四年正月蒙寔授布政使有執奏請停派員插清船如東並買項插載事三月承天府丞阮夙徵疏請往南圻商勦夾敍公才辨見識兼備前在嘉定督學永隆布政士民素所仰服乞命同往欽奉批問奉覆陳南圻事勢並請行各理四月改授兵部左侍郎充邊和軍次協贊奉頒給銀五十兩及錦衣繡裙各項拜命起程日遺書諸弟姪曰「吾受國厚恩此行未必生還念先父兄同朝爲大夫只建本派茅祠一所而已我家世貧子孫衆我年來官俸餘資現存銀三十笏寄交子姪等買薄田一頃置爲義莊田相分耕繼奉旨潛往嘉定以圖收復十五年奉派潘清簡公往嘉定與法官議和遵咨公轉回永隆省俟疏固請蒙準回貫十六年二月奉勅吏部「在廷諸臣多是尋常趨赴凡事依阿少有骨鯁之風申文懷爲人剛鯁頗有學識茲使務近期朕欲留在部庶有裨益著部卽問該員病已瘳未可能貽勉

承辦否不可久留閒居爲也。」三月蒙補吏部右侍郎七月奉準參辦機密院事十七年正月奉派勘甘露九州地勢四月尋蒙陞署兵部左參知護理平富總督辰公已六十一歲矣至是年執奏請停收鴉片稅又再四覆諫弛禁重征貽害事十八年十一月上疏請辭職養病奉硃批不準十九年正月陞授巡撫護理總督曾上疏陳自強自治之道二十年上疏陳請郊祀上詣行禮不應欽命代祭二十一年正月蒙陞署平富總督九月奉派往廣義省查辦案件二十二年正月蒙寔授總督二十三年上疏諫遊幸營繕等事辭甚切直二十四年三月奉準回貫一月限銷接奉上諭內一款「據平定海防陳文鑾指參所辦不合之款著準留貫靜候明白回奏欽此」五月奉準派工部尙書阮炳前往平定查辦公供職以便質究二十五年案擬蒙得降三級調奉硃批「緩錄俟使部回另覆欽此」八月公攜病上疏請假一月限在省靜攝奉上諭準仍留該省調治病痊具覆俟旨十一月病劇壽終于平定省之公館享齡六十九歲辰則西曆一千八百七十二年也公因病終省官以事奏聞奉硃批「申文鑾爲人強直幹練久著艱勞朕素簡知方思倚用該故臣素有勞能所干亦非贓賄著加恩免其降調追復平富總督原銜照品給卹以爲襄事之需至如歸憲聽撥前途站夫護送回貫安厝近期著承天府尹欽命賜祭一壇昭厚勸來著諭通錄欽此公生平剛直乃其天性且尙儉樸惡花飭雖位致總制淡然如寒素聞公在職辰常語其家人曰「我奉王命以居官威福惟帝之命今日在職食祿一旦奉職不力或被黜罷或致於刑罰者亦有之妻子宜謀所以治生之道不可徒恃官俸云」（此語得總督申仲憲大人所述）公又喜觀書公暇手不釋卷常曰

「爲學當求古人所言所行。身體而力行之。若徒鶩詞葩。不足道也。」故公之學之行事。君則竭力盡忠。遇事敢言。治民則存心撫字。所至安堵。且廉以持己。公以處事嚴以待下。人不敢進以私。致多不近人情。易生怨謗。幸際聖明在上。素所簡知。故可保無大咎。後屢奉勅「平定省臣當以公爲法」云。吾儕試讀故制臺申魯亭大人之遺藁。足見其剛毅之氣魄。忠愛之血誠。流露於言表。而且文法遒勁。長於疏奏體。不負其爲一代文學之臣。足爲我後人所師法也。今試摘錄公之疏奏數則如左。

嗣德五年。公仁平定省按察使。遵求言之諭。上疏陳諫。有曰：「水榭乘涼。雖曰暫辰消遣。而或至流連旬日。後圃走馬。雖曰習勞肄武。而寔則馳聘爲娛。茲奉聖心。以爲非帝王之盛舉。則當撤去。以解衆惑。何須暫罷。頗涉飭名云云。」且本朝翼尊皇帝之儉德。想蔑以加矣。而公對於水榭後圃等事。猶始終切諫。則其剛直之氣魄也可知。公之剛直不止此也。公仁廣南布政使。辰職司地方之責。而一聞南圻事。便上疏陳諫。且斥嘉定軍次臣及廷臣之誤國貽禍。觀此則知公爲忠國之一流人物。非是務逢迎媚悅。以保全功名者可比。公在平定辰。因廷臣覆議收鴉片稅。公上疏切諫。有云：「鴉片之禁。國初以來條例具在。盜吃雖不能止。而彼且負一犯禁之罪。尙未敢公然肆行無忌。今弛禁而征其稅。則使民多吃以收厚利也。古語云。以舊堤爲無用而去之者。必有水災。以舊法爲無用而去之者。必有禍害。歷觀漢算商告緝法。而盜賊並起。唐竹木間架有征。而奉天致變。先後一轍。可爲明鑒。國家六七年來。兩圻多事。水旱疾疫。非常之變。無歲無之。民不聊生。勢甚可畏。不聞諸臣爲。皇上敬陳撙節修省。以弭變消災。而逢迎言利之臣。今日請加清商稅來日請收鴉片稅。惟利是比。成何政體。以此求治。不其遠乎。而將謂此些小利。可以益國。而未深究其貽禍於無窮也。夫

臣去煩治惑者也。是以伏死而諍。若從其欲。君子謂之不臣。乃廷議既不合辭懇止。又從而爲之辭。誠不知其可也。」此疏一入。蒙未允。採公又乞病告退。有云。〔臣〕省鴉片稅一事。〔臣〕不能辦。嗣領徵人抵省。〔臣〕又不能少徇所求。該遂返回。不行徵納。是因〔臣〕在職。致國課有虧。云云。觀此則古人之事君者。諫而不聽。則思引退。非如戀棧貪位之傳。然古來戀棧貪位者。何嘗有忠言直諫之日哉。公又上疏陳憂勤致治之道。有「皇上有國而不知愛。〔臣〕敢愛其死。」之一語。此想非骨鯁臣之口吻。不敢出此。又嗣德十九年十月。公上疏有云。〔臣〕聞橫逆之加。乃君子進身之助。窺照國家八九年來。疊遭變故。內則水旱疾疫。民不聊生。外則南北紛攘。賠款割地。此正臣子致身竭力之秋。皇上臥薪嘗膽之會也。乃事過則以爲適然。未見修省補救之寔。而惟利是比。不事遠猷。以至國勢至於如此積弱。近者輦轂之下。兩次發出非常逆案。此非細故也。夫變故之生。不自其一事起。不自其一事止。惟事事而敬之。辰辰而敬之。書曰。怨豈在明。不見是圖。今既明矣。可不急圖乎。茲計惟急於自強自治。而自強自治之道。不外結民心。固國本而已。伏願皇上勵精一意。乾惕爲心。御九重宮闕之尊。則思南圻民之室家燒燬。閱萬年基樓閣之壯。則思南圻民之墳塚邱墟。進上方之玉食。則思南圻之土地。何存。撫畿輔之彫氓。則思南圻之人民誰卹。思之又思。自能感動宸衷。奮起睿慮。凡不急之役。不便之政。以至用人養兵。去奢尚儉。取次改絃易轍。使歸于善。」云云。讀此疏文。可見無限之血誠。流露于言表。嗟乎。古昔人臣對君陳言。無一非忠愛之本領所發出。孟子曰。我非堯舜之道。不敢陳於王前。齊人莫如我敬王也。使爲臣而無一語可以啓沃君心。裨益國政。只唯唯諾諾。趨陪拜稽爲盡責。則豈臣子事君之道者哉。

公處於我國賠款割地之初辰。當國家有事之秋。動主憂臣辱之感。故其奏疏多激憤語。然讀公遺文。足見古人居官之本領。之心血。夫辰代之興替。事功之成敗。吾儕不敢刻責古人也。欲景仰古人者。當從其本領上心血上觀之。公從世家出。故一生懷抱孜孜焉在報國盡忠一念。此則公之本領之心血者也。夫世之世受國恩者多矣。而安得盡如公其人哉。吾思及此。而不勝有昔今之感也。

## 敬告中圻父老

阮伯卓

### 北圻之鄉村改良

▲河東省改良之成績

### 發論

今日爲競爭之辰代。而此競爭之點。不特形於國家之政治。而社會上之士農工商等業務。無不捲入於競爭之風潮焉。不特商功計利之儔。只以權利爲競爭之目的。而樂道慕德之士。勢亦難對於生計上存揖讓之風。理財上懷高尚之想。而從中參證「樂利便是道德」之一說。以接近於競爭之途焉。噫。葛天無懷。太古渾噩之風。誠可歆慕爲何如也。然勢不容於今日之世界矣。然則吾儕托生此競爭之辰代。計亦惟有順辰代之趨向。以求自造其幸福焉耳。我國自有大法保護以來。而社會競爭之風潮。遂汪汪然由各海港而進入我國土上。我民族擗此風潮之擊激。不啻狂波澎湃。搖動我等民生上之各個問題。於是士農工商各界。凡稍捷足者。則先迎其新潮而占便宜之利。凡拘故見者。則又爲新潮所撞觸。而有淘汰之憂。試觀如學問一途。凡我舊學諸儒。何係於五六年前。早思改途以進。則今日能爲新辰代有用之人。而膠守一經者。則至今反成爲無用之學矣。士之下工農

商各界。何莫不然。此寔顯然目前之事。寔想人人所共洞悉也。然保護國家之臨斯土。豈故意驅新潮以俱來。使我民生計竟至顛倒若是哉。蓋辰會之趨。不得不爾。使我國今日未有大法之保護。然決不可長此閉關自守。別占一天地。與世外不相來往。不相交通也。故五六十年來。得大法之保護。而節節以新潮導之。使漲滿之度。有程序而不至於潰堤之患。則亦我民之幸也。然我民亦當知其漲滿之點。而隨之以階升。無使載胥及溺耳。國家之政治。自有主張。記者不敢濫陳也。茲記者僅就社會上之經濟爲我中圻父老陳之。本篇記者何以單向中圻父老告者。非記者敢懷鄉土之私見也。惟今日我國進步之程途。則南北兩圻。較勝於中圻。而人民貧弱之情形。則南北兩圻。不若中圻之甚。故欲求其並進之水平線。則當爲中圻人策進取之途者也。

大法之經理我南者。南圻爲大法之屬地。中北兩圻。則爲大法之保護。而保護政策。北圻與中圻。不同。然不同之點。特關於國家之政治耳。若夫社會方面。則無論中南北上人。均以樂利之福。繙造之。使之各臻於同一之境界。未嘗有所厚薄也。向來保護國家施政之順序。嘗先於南圻。次於北圻。終於中圻。質而言之。不啻南圻爲其第一試驗場。北圻爲其第二試驗場。而中圻。則炤序施行。無復有事於試驗也。若是。則我中圻人對於國家施政之程序。其觀念當如何耶。其心中或懷有漏網之望。抑有悔遲之憾耶。記者竊念夫國家爲我民施政。以繙造樂利之福。則得恩最後者。誰不有悔遲之憾。此寔世人期望樂利之同情者也。然無論我民之觀念何如。今日中圻之地位。對於南北兩圻。不啻平面上之水平線。雙方夾流之潮。決不能劃堤以拒之者。况乎關於人民之生計上。決不可忍饑而坐視傍人之烹膏梁。忍寒而坐視傍人之衣文繡也。今日之日。人方張工商之旗。開智識之路。以

敬告中圻父老

百廿八

求競爭上之決勝。而我等亦同此國民也。同此國土也。除非木石無靈。酣夢不起耳。之所聞目之所擊能不躍然思奮乎。記者竊思夫今日之中圻人。亦不肯長此終古以自甘居人後也。

雖然處此競爭之辰代。我中圻人固不肯自甘落人背後。但亦當知南北兩圻。現日進往之前途爲何如也。夫一政一令之施。政府亦欲先試驗諸南北兩圻。而後及我中圻。已如上所言矣。而我朝廷及我中圻之官吏。亦何嘗不欲順辰勢<sub>潮流</sub>早圖改革。以爲我中圻人民造福。惟向來未之明建顯設者。竊想亦不過有治權者存慎重之見。稍徐觀兩圻所成就之效果。然後著手舉行。待其辰風行雷厲之政績。一躍亦可與南北齊驅。並駕於進步之途。非我中圻官吏忍坐視人民之無學無業。而拘束其思想。限制其前途。且剝之削之。以聽其被淘汰於競爭之場中也。南北兩圻現日之情勢。吾儕雖未敢稱爲有完全之效果。而進步之途亦稍稍已有所成就。此寔彰然在人人耳目中也。凡政府之試驗。均見其有成立。而未嘗見其有失敗。卽人民之學問界。生活界。亦較於中圻爲優。若然則中圻繼此而行改革之事業。正其辰也。記者竊念今日政府對於改革問題。必注重諸中圻。而我朝廷列憲大人。目覩此試驗之成績。並上體我皇上圖治之深心。亦必自今日始頓改其慎重之態度。而從事於施展之事功。無疑也。夫記者何以敢斷言中圻官吏今後必有若是之布置者哉。蓋從古以來。凡審慎之政治家。必有所施展。以繼其後。未聞其僅有慎重之態度。而無施展之事功者也。見之者確。則其行之者力。而今日競爭之辰代。何如。人民之趨向。何如。政治之情勢。何如。想我中圻官吏。已瞭如指掌矣。若然則尙何所待而不爲人民造福乎。由是觀之。則中圻官吏。今必經過審慎之辰期。而趨向於建設之辰期。此可斷言也。

從今日以後。我中圻人民必有一日能享受保護政府及我朝廷新建設新布置之恩澤。但吾儕際其辰者。當如何自奮自勵。以預備其承命向化之資格者乎。

今日我中圻人。欲言自奮自勵之道。則當以北圻人民進步之程途爲準。故北圻人民現日所以自治之道何如。又尤爲我中圻人民所當知者也。

### ▲鄉村自治之意義

大凡政府之能爲造福者。不過以良好之政治。施諸民耳。若夫人民能自造其福與否。則全靠於人民之自治力。卽如學問一事。政府雖能設學場。定教法。置教師。而其學之成與否。則關乎學生之勤與怠耳。卽如農工商等業務。政府雖能定其田疇。教以樹畜。或鼓勵其營業。保護其利權。廣交通之路。擴消售之場。然寔業之進與退。則關乎國民之能力何如耳。蓋政府之責任。只能對於公共團體而籌劃之。若其中之學問及生計。則在乎國人自謀之責任也。

自治者自謀之道也。自治之界限如何。請言之如左。

國家團體之組成也。合各人以成族。合各族以成社。及總合各社。及總以成縣及府。合各縣及府以成省。合各省以成國。然縣及府以上之界限。則由國家之主權所布置。設官分職而治事。由官吏食國之祿。謀國家之政治也。總與社之下。則由人民之團體所結合。對於自己。則相連屬以自謀。其一小團體中之政治。且表現此團體。以順承國家之政治者也。故自府縣以上。爲國家主權布置之機關。而自鄉社以下。爲民衆同意所組合之機關。於此兩界限之交界中。則設正副總以聯絡各社。而社中又設里長。以代表人民。而對於國家之機關者也。

然則我人民謀自治之道者。當從社村以下之界限。蓋下自個人以及於家族。繼及於村社。皆我民可由人民之意願。自謀其生存之道也。個人之自治屬於私人修身立身之間題。此別是一題目。本篇未能兼及也。族姓雖爲血系之團體。仍關於團體中之政治界。常隸屬於鄉村之下。故求人民自治之團體。則當以鄉村之團體爲標本。

自治者何。一鄉之中。自整頓其制度。改良其風俗。教訓其人民。擴張其生計。救護其災難。提防其疾病。戢弭其盜賊。處理其爭訟。使同鄉之人。皆安居樂業。下睦上和。躋一邑於富厚樂利之域者也。鄉政無異國政。國之大政則或關於民政。兵政。工政與法律教育之類。而鄉政亦不過此等寔事。今日之日。凡政治未完美之國。皆效法各先進之國。改良其國政焉。則今日之日。凡風俗未完美之鄉。皆效法各先進之鄉。而改良其鄉政焉。蓋國家不能順辰改革。則決不能致其國之富強。村鄉不能順辰改革。則決不能致其鄉之豐盛者也。

今日之日。正改革盛行之辰代也。則我中圻之各鄉村團體。可以坐聽其頹風敗俗。而不之改革者乎。因是記者請先舉南北兩圻從前以至近日各鄉村之情形。爲我中圻父老述之。俾得借鑒爲取長舍短之助。此想亦非無益之談也。

仍今欲述南北兩圻之新鄉制。則請先略敍新鄉制之大概。夫北圻今日。何以紛紛然提倡改良鄉俗之風潮者乎。蓋我國鄉村制度。亦組織上之一美法。於鄉村團體中。先人先民所爲後人留貽者。亦多善美之政。改良云者。非破倒從前之鄉制。消除固有之習慣俗例。而以驚人駭俗之新制施之也。改良云者。特不過因其舊有之制度。而整頓布置之有方法。使規則井然。條緒不紊。以預防其無

權豪吞併者役侵擾之患耳。蓋鄉者猶之乎國也。國至今日無論何政體，均能採立憲之制度。而設議院焉。分權限焉。鄉至今日無論何風俗亦要當顧重人民之公益。而亦設會同焉。分權限焉。改良云者。因其舊而增光之。且隨其辰勢之需要而補益之。要以達同人之樂利主義爲前提。而非屬於喜事更張之謂。深思乎此。則改良之道得矣。

### △南圻之鄉村團體

南圻爲我國朝列聖新開拓之領土。故鄉村團體所組織者。纔百年餘。未有固定之舊染習慣。且數十年來。又爲大法之屬地。故易於整頓。南圻今日幾若無所謂舊鄉制。而盡成其爲新鄉制矣。鄉之上有總鄉之內設里長。無異於中北兩圻也。然鄉村之內。對於自治之事務。則各有專職。鄉奇鄉主。卽鄉會同中之正主座也。鄉正者司民政也。鄉戶者司簿冊也。教鄉者司教育也。鄉禮者司祭祀也。鄉管者司巡防也。以至鄉豪鄉吏各職。無不別有分司。約十餘人。合爲鄉會齊會同。凡一鄉之政。皆由鄉會齊會議取決。然後宣佈於民。鄉之內。又立支收簿。今年則定明年之預算。由全民決議。然後炤其所支出以收入。凡不屬於預算簿所定者。蓄役不得濫支。又有設學堂焉。以教育其鄉人之子弟。又有立戶簿焉。以計編其生死嫁娶之事。又有設地簿焉。以登記其土地轉易之事。又有公櫃焉。以貯存其每年支剩之餘銀。由是而鄉中各事務。井然有條而不紊。鄉豪鄉目。亦無浮濫之弊。此南圻鄉村自治之制度。亦可謂有良美之效果者也。

### △北圻之鄉政改良

北圻爲最古之地。一鄉各有一鄉之古俗。雖俗有不同。而要之不外祭祀犒望等事。噫。北圻之古俗。

敬告中圻父老

百卅二

其間千形萬狀。誠執筆者不勝枚舉也。前人之留此古俗。非無有良美之意。然行之日久。變本加厲。一般腐敗之豪里。亦借此爲自肥之計。故因是有擾民妨農之患。且其間亦多有不適合於今日競爭之新辰代。故北圻人今日改良鄉俗之風潮。從此遍於全圻焉。

現日北圻改良鄉俗之舉。各省皆行之。或有由社內全民之自願。或有由社內一二人之起唱而訂定條款。以行改良。然其大多數。則多由在上官吏鼓勵勸飭之力。蓋鄉村雖爲人民自治之團體。然遇舉行上有艱著之村社。則可藉官吏之勢而贊助之者也。官吏對於改良鄉村之舉。是乃從職務上爲民贊助其公益之事。非是從職務上而干涉人民之內政者也。故關於風俗習慣及選舉鄉會同等事。則隨乎村社之情勢。及人民之意願。官吏不過示之以利病之點。並監視檢督之。以免其紛爭之弊耳。北圻各鄉社之改良條例。辰亦登載於各報上。吾儕讀之。可以窺見一斑。然改良事之最猛烈而著有效力者。當推河東省居最。蓋河東省自總督黃仲敷大人抵蒞後。公常注重於民生問題。如工商各業之激勸鼓勵。寔足使河東一省爲北圻工藝之首要地。吾儕試觀遞年河內市會所陳列河東省之出產品。便可知矣。近復得河東公使陀羅麻大人。諳曉南音。洞識人民之情狀。故公對於改良一途。能與黃總督公共表同情。竭力爲人民指導。且近日政府欲預由河東一省先爲試驗民律之場所。故河東各社必須從速改良。以先擔行此重要之責任。若是則河東改良鄉俗之制度。想亦可爲各地借鑒而仿效以起行者也。記者因此遂略述河東省由上官所預草以公示於各社之改良條例如左。

### ▲河東省現行之鄉村券例

第一部分爲鄉中之政治。—鄉中政治。則最先者爲舉定各族之族表。以組成一鄉之會。同蓋鄉者。

合各族以成也。每族各舉出族表。以代表族內人民預入鄉會同而保護其族內人民之權利。族表之多寡隨族內之丁數而定。丁多之族可以多舉族表。干丁少之族則或合數族而舉一族表。族表之資格以其年達二十五歲以上有家產並稍有學問也。族表之限三年一課。滿限再舉。其職務則發議並決議鄉內之支收各款。且又有檢察之權。族表舉定後。則由各族表共擇會長一副。會長一書記一守櫃一鄉會同將開會之日。則由會長通報於各族表。其冊簿則由書記掌記。其公錢則由守櫃典守。會同所議之事須著成編本。由會長及預會之各族表記名。凡會同所提議之事。若得預會各族表過半人數之順願者。則爲決議施行。其次者爲立一鄉之支收簿。常年西十一月初一日。鄉中各族表會議社內明年之支款收款若干。著成簿冊。然後由會議中之名人記結。呈所在官檢察遞呈省官閱依。另炤此施行。社內有不常支之事。亦由鄉會同集合議。決著成編本。明敍其要需之緣故。仍其款不得過二十元。年尾結算支收之數。有剩餘干。則以其數目粘揭於公所。俾民週知。凡支出之款。禁不得浮於收入之款。云其次爲關於里長之權限。社之里長乃是代表一社而承行公務。對於社內之事。則里長與副里不得自意決定。凡事須合各族表之同意。里長及副里亦得列入鄉會同之席。社內有正副總者亦然。其次關於搜稅之分補。於里長接得稅牌給發之後。則宜提出於鄉會同。以料定分補。仍分補之額須炤隨國家定額分配於同人。不得有多寡之不同。分補事已決定之後。則會同交里長炤數收納。其次爲關於鄉中爭訟之事。凡鄉內有訴訟事。而屬於民事或商事之款者。則先呈會同試行和解。因是凡會長接得當事人之告訴。則宜集會同招兩造勸令和解。和解成。則炤律立成和解證書。交里長呈所在官著簿。若和解不成。則交付兩造向審判衙。

門以行訴訟。屬於刑事。雖鄉村無處理之權。仍當事之被害者。亦宜呈會同知之。會同接得開呈之後。宜繕編本。呈所在官長。其次為社內巡防之事。巡防者。所以保護社民之性命財產也。故除出官職科目從事人員與學生及現有疾病者外。<sub>鄉</sub>內男子自十八歲至五十歲。皆有巡防之責。巡防事則逐月分班。班中又推一人為督更。<sub>鄉</sub>內有盜刦之事。巡番當受其責。而捉捕盜賊者。亦有賞焉。此則為對於<sub>鄉</sub>村內之民居而巡防之者也。若對於<sub>鄉</sub>村外之田野。則<sub>鄉</sub>內又舉一人為巡長及巡丁千人。巡防田野之外。以保守全鄉之田畔之水道之花利。巡丁則有給錢。仍畝內耕與附耕之數。隨其田畝而分補之。其次為關於救急之事。遇水火盜刦之辰。則<sub>鄉</sub>內除年六十歲外。其餘均有患難相救之義。不赴救者有罰。其次為衛生之事。衛生者。所以防<sub>鄉</sub>中免疾疫之災也。故<sub>鄉</sub>之會同。宜曉告鄉人居宅食水。當事淨潔。且從而檢督之。不遵者。擬以懲罰。其次為橋梁道路之事。<sub>鄉</sub>內舉一人為守路。以檢察鄉中道路。屬於官路。何係有毀壞當修補者。則詳與會同。呈達所在官長。屬於社內公路。有當修補者。則隨會同之決議。或出公需。或分撥民丁。以修補之。其次為衛農之事。其次為保存社內公產之事。其次為檢察奸漏之事。其次為交涉之事。又其次為教育之事。<sub>鄉</sub>之教育。則由全鄉出錢。以立學堂。延教師。以教訓<sub>鄉</sub>中之子弟。凡八歲之兒童。須就學。以求普通之智識云。

第二部分為<sub>鄉</sub>村之俗例。一俗例者。隨其習慣。不可劃一規定。如均給公田土。婚姻喪祭。犒望。及鄉中坐次云者。然要之。均田土。則須上下權利平等。防止其包占私肥之弊。婚姻喪禮。則參酌舊例。與新辰之趨向。而節省合禮。以不為民擾。犒望。則減其酒食之費。而以其有益之財。謀社內之公益。若夫鄉中坐次。亦遵守上下之秩序。以官制為主。而鄉例次之。

此則河東省對於各社村改良鄉俗的體例之大略也。今試述河東省改良鄉村之成績。

### △方中社之慶成典及清烈社之改良

近日河東總督黃大人因省內方中社行慶成禮招記者一往參觀。目覩鄉村改良之成效誠爲吾儕意料所不及。不覺前此對於改良之疑點頓爲之冰釋而且生羨慕之心者也。方中社民爲有藝術之民故其改良之舉行之頗易。伊社改良纔數年來而所成立之效則鄉會館一所。學堂一所。及護生所一所。其各所建築之規制炤從新式堅固宏敞且外圍以花園栽花草等類合於衛生之道者。鄉會所則懸揭鄉之地圖及置一櫃貯存救急之西藥以備鄉人急辰之用。學堂則分爲三班。學生就學者約百人以上。有法字教師掌教國語字及淺近之法字。其學程則炤隨政府所定之小學課程。他若護生所則分建爲兩屋。一爲穩婆居住之屋。一爲收容產婦之屋。穩婆則由河內太醫院派委領官餉產婦則凡胎婦彌月投護生所產兒者只由鄉社出公錢給以食費而已。其藥材則自有官給應用。黃總督大人熱心於民生之事。公既爲之立護生所而又恐鄉民之迷信不肯由公所投產也。故公亦順隨人民迷信之性質而給濟鼓勵之。公之夫人好善樂施之家也。公遂商與夫人。凡省內之各護生所皆由貴夫人自出貲縫兒衣以給發之。每產一兒均給衣一領。於衣前後面均印以香跡山寺之佛印。以妥治迷信人之心理。黃大人爲民之心非特勞於指示法式已也。且籌一個建設則又對於民社謀及建設之資本。前此公欲建方中社護生所而苦於無資。因去年西貢陳氏授夫人亦南中之慈善家也。夫人北遊往河東省訪公宅。公遂邀之往方中社。勸以捐資起辦護生所一事。陳夫人卽允諾捐出銀一千五百元。故方中社所建之護生所乃由陳夫人所捐出之銀。

款而創立之者也。夫吾民既賴有熱心民政之官長。而又得樂善好施之慈善家。則鄉村所被之恩澤。應亦無既。故吾儕普願全國官吏。皆如黃大人之熱心民政。全國富豪。皆如黃夫人及陳夫人之樂善好施。則鄉村之內。庶有整頓之光景。

總督黃大人自抵蒞河東後。以至今日。計凡改良者三百村社。其間承行有效者。則今日鄉民有和睦之風。工農有發達之勢。雖未必其能致於比屋可封之景象。然頽敗之民風。因之而減少。刁頑之習俗。亦由此而消除。其較勝於未改良之前。不知幾倍也。今記者又述河東清烈社改良之成績。觀之。清烈社爲陳朝朱文貞先生之故鄉也。據黃大人所云。於未改良之前。鄉中各分黨羽。自相矛盾。頽敗之事。不可枚舉。仍既改良後。則上和下睦。鄉人無唆訟之習。而民得以樂業安生。且又積得餘款。以起辦公益各事務云者。某日記者隨黃大人及諸友往觀清烈社改良之成績。則見道路整潔。人民和穆。有鄉學堂一所。分爲三班。規模頗宏備。又有濾水器一機。爲全鄉之用。由清烈之水。頗溷濁。故製此機。以濾水取清。給鄉人之飲食也。夫鄉村之內。而能起辦這教育事務及衛生機器。則其他之進步。不問可知矣。因問之清烈社諸豪目。則云伊社自改良後。凡事節省。故能有餘資。以起辦公益。且幾年來。又能爲本社買得私田五畝。零以備本社之公用。其田價每高約四五十元云。且現日鄉之公櫃中。存有現金可二千元。遞年放債取息。其將來日進之景象。未可限量云。此寔出於該鄉人之寔。陳非記者敢爲譏語也。噫。改良之成效如此。凡我鄉村團體。又何所顧慮而不爲耶。仍更有說者。起辦之事。易守成之勢難。使繼起無人。將不賈他日之險象乎。然大凡天下事。凡有可改革之勢者。則當從速以改革之。改革者所以謀利益也。今見利益之事。顯然於吾前。則當憑一往

直前之氣。以圖建設。豈必多爲顧慮。以拋棄一切利益乎。况我既起創之於前。安知不有人繼承之於後。鄉村而改良矣。則學堂之設。也可以教訓其子弟。條款之立。也可以勉勵其後進。久之成習。遵舊章以率循。則竊想亦較優於前。此鄉村內無學無法之辰代也。吾儕試觀如迎神賽會之典。其間亦多無意識之舉。而至今日鄉村內亦遵舊而率循之。何況乎公利公益之改良事業乎。

### △書記場之設立

前者已言政府預先由河東省試驗施行民律。而這所預草之民律第一編。則關於各社村當登記生死嫁娶之簿。及登記田地簿云者。蓋民律第一編之目的。要在定人之根脚。及其財產。戶簿(生死嫁娶簿)。者所以證明人之根脚。地簿者。所以證明不動產之所有權也。據預草之民律。則每社各設一戶吏。以掌記生死嫁娶簿。又特舉一審役。以登記地簿。然則此項職役。爲新律頒行辰最要之人物。使無諳曉之人物。則恐徒法亦不能自行也。總督黃大人有見乎此。遂於省之附近借萬福社公所。爲鄉村書記場。以從省之各候選知縣及法政參佐諸先生。充爲教員。全以國語字教練各人。關於鄉村內書記職之智識學問。如算學、支收簿、戶簿、地簿及衛生等課云者。欲達此目的。大人遂飭每社須派一人就學。飯費一月六元。由每社以公需錢給養之。初辰這學堂之設。預定學生六十人。學期六個月。第一學期卒業。再開第二學期。取次訓練。以及諸全省。仍開講約一月。學生之數來者。頗衆。間有自出資以就學者。今則數倍於前。這場不足以收容。大人預擬將於省蒞。別設一場。以增擴之云。察之斯場所教者。皆壯年之人。且全以國語授受。故學問之成績。最爲優美。黃大人曾招記者偕諸友參觀。聽學生所陳述。上自政府之收支款。下及於鄉村之收支款。各議定之。改更會同之意義。與

夫衛生事計算事之要略。皆井然有條。噫。彼輩投學之期。纔一月許。而其成績已如此。則將來進步之光景。寔無限量。想其見識。非三四年從事法學之小學生所能及也。

### ◎結論

本篇記者所述。全由事實上記載。不敢加以理想上之建設。然一目擊鄉村進步之光景。則令吾人有無窮之希望焉。蓋鄉村爲我民自治之團體。而今日我民能實行自治之道。能改革前此之弊政。能從公益上以建設鄉村內之事業。使於小團體內能整頓其根本。則由此而對於國家對於社會之大團體。可以盡其爲人民之責任。而求日躋於進步之途。且吾儕有見夫在上官吏能熱心爲民圖謀益利之事。則感被其化者。無不思鼓舞奮發。改革從前之腐習。順承辰代之新政。決未有自安於頽敗。以任其淘汰於今日競爭之世界者也。况改良之成績如此。寔顯示吾人以眞確之經驗。大凡事既有經驗。能見其利益。而未見其何等危險。則凡後起者。又何憚而不爲乎。是以吾儕切望我中圻之各社村。當取法於北圻之各社村。以行改良。而尤望全國之官長。均如總督黃大人之熱心民政者。則我民之幸福。不難於自治團體中締造之者也。古人云。『既不能行於天下。猶可驗於一鄉。』寄語凡有心於民治者。當爲鄉村團體。一注意焉。是記者草斯篇最後之希望心也。

### ◎皇越科舉鏡（續三）

義園阮文桃編輯

四年癸巳試教職。一場四書五經各一題。二場賦一題。用李白體。三場詔制表各一題。六年乙未科試貢士。殿試策問以古先君臣取中四十三名。

山南廣德日昭

武濬昭狀元。其試法第一場四書八題。

論三。孟四。中庸一。士子自

擇四題行文。五經每經各三題。獨春秋只二題。第二場詩賦各一詩用唐律。賦用李白體。第三場詔制表各一。第四場文策問以經史異同。將帥韜略。九年戊戌科會試舉人上親策問以帝王治天下。取中六十二名。河靜奇英神投黎廣志庭元榜眼。十二年辛丑科四月會試舉人。帝御敬天殿。親策問以理數定等。第五月召新進士等入丹墀。命官傳制唱名。禮部捧黃榜。雅樂導引出東華門外。張掛畢。馬廄司擇良馬送狀元歸第。取中共四十名。山南海潮范教禮三元狀元。十四年癸卯。酌各省人數多寡。定鄉試入場日期。并貢士例。十五年甲辰科。庭試問以趙宋用儒。取中四十四名。京北平吳阮光弼狀元。又命禮部郭廷寶查炤大寶三年以來諸科名次勒于貞珉。并改狀元榜眼探花爲進士及第。正榜爲進士出身。附榜爲同進士出身。又敕官員有能習科舉業。未經鄉試而情願會試者。在京由奉天府在外由地方官覆覈一遭。如鄉試例。然後許入會試。十八年丁未科。庭試帝親策問以治道。覽卷畢。宣召優等進士入日光門。親賜鑒別。取中六十名。海陽青林洞溪陳崇顯狀元。二十一年庚戌科。命翰林官充鄉試典選。是年會試貢士。取中五十四名。山西山闡程舍武睿中狀元。二十三年壬子冬十月。開鄉試。命翰林作海陽山南三江京北考官。翰林作考官自此始。二十四年癸丑科。會試舉人命文臣讀卷。傳臚揭榜。賜宴冠服立碑題名。取中二十八名。海陽青林萬年狀元。二十七年丙辰科。會試中格四十三名。及殿試。策問以治道。引中格諸人入見金鑾殿庭。帝親觀其容貌。取中三十名。京北桂陽蓬萊嚴璗中狀元。辰有武寧人武文淵會試亞元至庭試。又被黜落。

憲宗景統二年己未。申嚴試法二十條。是年會試舉人。殿試策問以人才王政。取中五十五名。杜履謙狀元。四年辛酉。定鄉試條例。屆試期。各社長保結社內士人。除秀林生徒外。餘各軍民審是良家子弟。有學行能文者。聽端保入試。仍限大社二十名。中社十五名。小社十名。何社少學者。寧缺無

濫。社長類取姓名。由本府縣覈寔。暗寫一遭。中者承憲二司詳加考試。至入場日。先於場門外詳加檢察。再於場內搜檢。若有懷挾書籍入場。或借人代試者。摘出充本府軍三年。終身不得應試。又士子入場日。其監生。生徒有緣故在貫者。飭令就本府應點。欠面具奏充本府軍。若擅入場。或代試者。各以彼罪罪之。又準定典吏願試者。該官覈寔。聽回本貫應試。五年壬戌科庭試問以佛經。取中六十一名。海陽水棠青浪黎益沐狀元。世傳公前爲道士。故詳於佛經。

國初黃榜掛于東華門。自此科以後。榜揭在太學門。

海陽唐安慕澤黎鼎中狀元

一年丙寅。考試軍色民人書算於講

京北東岸翁墨

武殿廷取中一千五百十九人。阮子祺首選

四年戊辰科庭試進士。取中五十四名。海陽唐安慕澤黎鼎中狀元

四年戊辰科庭試進士。取中五十四名。阮簡清中狀元

是年三月釐定

山南彰德黃舍

鄉試條例。飭社長修簿供結。社人要得寔才學。不拘人數多少。送本州縣官暗寫一場。府縣官考經

黃義富狀元

義一道。承憲官公同考試名例。卽日類取中三場千名。中四場千名作簿。公同差考試官署字。提選

京北東岸翁墨

監試官具本奏聞。憲司審核。倘有徇私糾舉治罪。四年壬申考試官員子孫書算中者。充儒生及各

山南青威耕種

衙門吏。六年春三月甲戌科殿試策問以人才。取中四十三名。山南青威耕種阮德亮狀元

五月又詔新進士等入

王茂淵

天光殿應制命作天光殿記。

昭宗光紹三年戊寅科殿試策問以知人安民。取中七十名。北寧東岸三山吳勉紹狀元

因丁丑年有事故。展至此科。

五年庚辰科會試策問以人才。取中十一名。海陽錦江平浪阮泰拔二甲庭元。是科有三人匿喪應試。預中事覺不許入庭。

試乃詔四鎮士人就嘉林春杜州應試。

中第一及會

試貢士取陶儼等三十六名。庭試策問以君師之道。京北武江春雷黃文贊狀元

五年丙戌科庭試策問以聖哲之

理天下。取中二十名。海陽安老月益陳必聞狀元

## 附僞莫

京北文江賴  
屋杜綜狀元

其試法遵依前黎體式。自後三年一比。永爲常例。

登庸明德三年己丑科會試取中廿七名。

京北良才梁舍范

登瀛大正三年壬辰科會試取中二十七名。

京北永賴古庵  
穉阮倩狀元

九年戊戌科會試取中三十六名。

京北鳳眼鄧計甲海狀元

福海廣和初年辛丑科會試取中三十名。

京北永賴古庵  
阮琦中狀元

年甲辰科會試取中十七名。

京北良材良舍武璣庭元黃甲

福源永定初年丁未科會試取中三十名。

京北嘉林樂道楊滋狀元

曆三年庚試科會試取中二十六名。

山南下膠水古諸陳文寶狀元

六年癸丑科會試取中二十一名。

嘉定平吳人阮亮米中狀元

二年丙辰科會試取中二十四名。

海陽嘉福藍橋范鎮中狀元

五年己未科會試取中二十名。

鄧時措中狀元

科會試取中十八名。

海陽至靈確溪范維琰中狀元

茂治淳福初年乙丑科復試于翁墨處取中十六名。

京北良才梁舍范光進探花庭元

四年戊辰科庭試在嘉林菩提取中十七名。

京北唐蒙羅澤武有政庭元探花莫太后善屬文通經史國之興衰人之賢否皆前知是科見進士黃培卑小又獨眼嘆國祚將衰後二十餘年被執果驗

崇康四年辛未科會試取中十七名。

清江青林賴上阮勉庭元探花

七年甲戌科會試取中十七名。

清江青林賴上嘉定董林武文奎庭元探花

科會試中取十八名。

京北良才梁舍武玠狀元

延成三年庚辰科會試取中十七名。

京北唐蒙杜琪庭元探花

十八名。

海陽山明段舍院俊彥庭元探花

端泰二年丙戌科覆試于講武場取中二十三名。

京北東岸詠橋阮教方庭元探花

科會試取中十七名。

清華青林蔓汭范伊濬庭元同進士

洪寧二年壬辰科會試取中十七名。

京北錦江錦山范有能庭元黃甲

## 黎中興以後

中宗順平六年甲寅始開制科試在清華乂安行在所取中十三名。

乂安興元裴禮丁拔萃狀元

英宗正治元年戊午立鄉試場于安定縣多祿社五年壬戌八月又立鄉試場于西都城之南八年

清華雷陽保陀黎謙狀元

乙丑試制科取中十名。

河靜天祿  
芙菴阮文

清華雷陽上谷

河靜天祿  
芙菴阮文

世宗嘉泰丁丑五年。開試制科。取中五名。清華弘化勃泰。光興三年庚辰。立會試科。取中六名。黎擢秀狀元。谷

階二甲。會元。是科至壬辰科。並試于萬賴行在前。此雖分三甲。未有殿試。又前此六年一試。至是始復三年之例。六年癸未科。庭試貢士。取中四名。清華弘化勃泰。十二年己丑科。庭試取中四名。清華弘化永治。黎汝弼二甲。十五年壬辰科。庭試取中三名。山南安定真拜。鄭景瑞二甲。十八年乙未科。既減莫御。試貢士于河津。題用聖主得賢臣詩。近悅遠來賦。用李白體。取中六名。京北東岸雲恬。阮寔二甲。庭元。二十年丁酉。令天下各處建鄉試場。取士。二十一年戊戌科。會試在講武殿。題用百姓同樂詩。天下重用賦。取中五名。清華弘化勃泰阮庶二甲。

敬宗弘定二年辛丑十一月。鄉試取士。三年壬寅科。庭試題用天下有道詩。萬世功賦。試于沙草津。出榜在報天坊。取中十名。京北桂楊大荪阮登二甲。

五年甲辰科。庭試題用恩結人心詩。君明臣忠賦。取中七名。海陽至靈墨洞。院世標二甲。

八年丁未科。庭試出題節用

愛民詩。施仁政省刑罰賦。取中五名。清華弘化葵清。劉廷質二甲。

十一年庚辰科。庭試題用以道事君詩。得天下爲正賦。取中七名。清華廣昌不羣。阮文奎二甲。

十四年癸丑科。庭試題用立禮成樂詩。相將舊功臣賦。取中七名。山南彰德安仁黎

十七年丙辰科。試貢士題用志道詩。諸侯羣臣朝貢賦。取中七名。睦阮俊三甲。致用庭元同進士。

二十年己未科。試貢士題用次律令申軍法詩。后稷教民賦。取中七名。山西丹鳳楊柳阮

是科得人共五功臣。上阮瀨二甲。

神宗永祚五年。癸亥科。試貢士題用善政善教詩。擇天下賢賦。取中七名。山西福壽蒙阜江

是科以阮秩

濫預借人行文。不賜黃榜。只依會榜賜進士存阮秩亦不黜。故自後庭試不黜。七年乙丑。命官考覈

天下士望。取阮沂等二十七名。除任各職。九年丁卯八月。鄉試各處士人十年戊辰試貢士題用選

皋陶詩。崇尚虛無賦。及殿試策問。以天下之事朝廷之政。取中十八名。文明庭元探花。德隆二年庚午

八月鄉試各處士人三年辛未科試貢士題用蕭何功第一詩爲政以德賦中取五名。海陽至靈樂山阮明哲庭元採花是

科會試原中格六名。因錦江鄧舍人阮文光以欠點得預選。乃削其名。只存五人入庭試。六年甲戌科試貢士取中五名。海陽唐安慕澤武拔萃庭元黃甲陽和二年丁丑科試貢士題用智者樂仁者壽詩忠臣愛君防漸賦取中二十名。京北東岸扶輪阮春止狀元。按是年月日已到未見復回。辰至引見拜謝。王欣然賞司天錢一百貫。寓祿一社。六年庚辰科試貢士取中二十二名。山西白鶴上徵費文述庭元二甲是科原中格只有十八名。已寫榜清。內場官已赴京。只存諸試院官遞榜。誼王旨傳添四取名。此辰不及格諸試卷已啓糊名。試院官仍攝取當辰名士四卷。

真宗福泰元年癸未科試貢士取中九名。

奉天壽昌河口院能紹庭元黃甲

海陽四岐平浪羌

世寶庭元探花

京北仙遊懷抱阮登鑑庭元探花

一年甲申考覈天下士望除任府縣等職。四年丙戌科試貢士取中十七名。

京北嘉林亭輪鴻

四年壬辰科三月試貢士殿試問以政事得失。

山南青潭月盈阮廷柱庭元三甲

永壽元年戊戌科考天下士

山南青潭月盈阮國楨狀元

是年策論無有一定之式。二年己亥科二月試貢士慈川侯阮文灌知貢舉取中二十名。山南青潭月盈阮國楨狀元

是年十月又試東閣取中五人。

或三十韻

題用唐律詩一首。五言排律一首。

或二十五韻

記論各一。或歌判

各一。當官中者頒冠帶衣服。一依三魁之例。四年辛丑科試貢士取中十三名。

京北仙遊扶董鄧公質狀元

[未完]

# 西湖覽古（續三）

楚狂

百四四

西湖覽古

越數日復偕同人遊覽吳山。山在杭城中。介於清波鳳山兩門間。南接錢塘江。北瞰西湖孤山一帶。多危峯奇崿。自下而上。石磴斗折。可數百級。前有門扁曰「登高覽勝」。立而環眺。則見官司廨署。鎮衛森嚴。烟火萬家。狀甚喧雜。升山巔。則縹渺凌空。碧天四匝。兩袖飄飄。欲仙愉快。無限山上有城隍。關聖藥王。太歲倉聖。東嶽各廟。關廟有聯云。先武穆而神大漢。千古大宋。千古後文宣。而聖山東一人山西一人。倉聖廟祀倉頡。有聯云。一畫本天開。破上古洪荒。草昧無須繩。更結六書。隨世換供。後人摹寫英雄。未免筆難投。各廟婦女來燒香者衆。就中太歲東嶽城隍等廟最爲閑熱。山路傍有四景園麗水臺。各茶樓。予等觀覽已倦。卽就此少憩品茗談天。

午後復下山。往錢塘江觀潮。江在城東北。環繞南流。候潮門正臨水之衝。門外有捍海塘。乃吳越王錢鏐所築。俗傳吳王夫差投伍子胥於江。胥怒激爲江潮。故又名伍子胥潮。觀潮者多於八月望日前後。而尤以十八日爲盛。因昔時南宋諸帝常於是日駕幸江濱。閱水軍操練。故習而成俗。潮初起時。遠望海門白光一線。少焉霜戈銀甲飛洒天半。如雷擊電掣。如萬馬騰空。大地若爲之動搖。昔人詩云。海湧銀爲郭。江橫玉繫腰。形容甚肖。近江一帶人家。潮至時。浪花直噴屋上。簷溜倒傾。若驟雨然。初觀者爲之心悸。予等到江濱候潮。見東西人士來觀者甚衆。午後四時始見潮來。人海人山。萬聲雷動。頃間千頃。潮平江心。依舊始各散去。翌十九日遂乘車返申寓。

予作西湖記。纔擇筆。而予之感想便勃勃然興矣。夫北國之名勝古跡。於我何與。與其記葛嶺錢江。岳墳秋社。毋寧記濃山珥水徵女王寺。黎太祖祠之有興味乎。而予乃援筆大記特記之者。蓋古今

名人勝迹有大名於世間者。無論在何國何地。其令人生景仰之心一也。故遊巴黎必記拿破崙大帝之墓。旅三島必記明治天皇之陵。遊暹羅者必訪猶地亞故都。(Sukhothai)到朝鮮者必弔殷箕竹堂范相公。嘗以不得使燕爲恨。蓋以此也。杭州最古爲禹杭。秦以後爲錢塘。宋爲臨安。白蘇出守是邦築二長堤。傳爲韻事。宋高宗南渡。建都於此。冠蓋雲集。笙歌金粉。繁華甲於一時。清康熙乾隆間屢次臨幸。西湖乃益有名。况復有騷人墨客。高僧名妓。寄迹其間。其遺風餘韻。足以令人景慕。憑弔者不一而足。則懷古來遊。遊而記。亦意中事耳。清初我國貢使泛遊西湖。有句云。「幾樹楊柳。幾度花醉飲西湖。賣酒家。我國繁華不如此。春來滿地是桑麻。」(此詩予得之日本某學士所述。貢使名氏未詳。)今予復來此閑遊。湖山神(湖邊有湖山神廟)若有知。當亦歡迎我汗漫遊客無疑矣。所異者。貢使當日以臣妾之禮北來。偷暇而泛遊於此。今予復何緣而到此。此非筆墨所能盡也。予遊西湖所得者多。一則得之歷史的觀感。知何者爲忠。爲烈。令人崇拜。何者爲奸。爲賊。受人唾罵。蓋棺後公論自在。士大夫立身不可不知所自擇。一則得之遊歷的觀察。知杭州民風之醇美。(俗美風醇。冠於他省。杭州多婦女類多驚鴻落雁之姿。)人物之清秀。文化之淵泥之紀念耳。

### 附杭州竹枝詞四首

潮落錢塘年復年。臨安城外草如烟。垂楊不是無情樹。宛轉低徊總可憐。

因記翠翹投江事有感

鎮東樓下寄儂家。總制威風事已賒。只有尊陽宮巷在。明珠遍插女兒花。

蘇杭婦女多用明珠結花。插於髻上。

繁華舊夢爲誰忙。蘇小墳前恨正長。堤柳何關人國事。暗藏鶯燕話興亡。

薄命頻憐翠袖寒傷心往事倚闌干。吳宮越宛今何在一。例蕭條不忍看。

文苑

百四六

## ●文苑

### 錢海縣文祠碑記

南定總督檀園范大人

啓定元年撫太平辰所作

我越國於亞東崇拜孔教都府州縣率壇廟而馨香之故俗也。海之有縣皇明命七年參贊阮公著拓始提學兼營田使尹公圭繼阜成之縣之有祠前尹王君文吉與紳豪卜建於縣城之西南屢歷列尹代有補葺風鎬雨鋸瓦粉鐵蠹逐漸歸於壞刴登斯堂也殆弗勝桑海之感焉去秋縣尹陳君廷評毅然集公議謀於故址新之從新式廣構祭堂借崇祀以興學袖稿請於余余曰可可但此商戰最劇民財告窘籌及巨款尹竊自難之余益勸以力尹退而謀諸衆純就各人心理上鼓勵勸告捐令一下而數千金咄嗟立應分董其役合奏厥技閱六月迄底于成重簷繞垣增高補堅內祀外塾俎豆誦絃瞻者舉額手曰孔教昌國勢強殆所謂斯文之福歟落之日徵文于余余撫然曰神權有漲落聖道無隆污蓋乍熱乍冷者偶生於禍福之感情而愈落愈深者獨得於道德之觀念方今哲學尊卽我四千年國所奉爲文明祖也萬世以爲土也半畝以爲宮也祠之興廢於吾道何關獨是世愈降而道日愈隆祀日愈崇豈禍福所悚動哉滴汗成河揮血爲波純得於道德之觀念也是役也民之勇於信道也尹之熱於開化也噫可記也

# 董天王神蹟序文

福安巡撫東白副榜檀園范文樹奉誌  
維新六年正月初六日

神權有辰代。正氣無古今。雄哉雄王十八世。二千餘年一皇統也。靈哉靈山董天將。四千餘年一古祠也。祠以朔名存其朔也。我國赤鬼肇基。神僊衍慶。江山靈氣蔚生。異人代代而顯現矣。人人而崇拜矣。未有史乘之前。搜神摘怪。悉竟得之傳聞。此特文明世界之通例耳。噫。星移物換。世遠人煙。乃事有不可得而埋沒者。吾知其故矣。何以故曰正氣故。夫旣謂之正氣也。磅礴乎天地間。下爲河岳。上爲日星。迨其鍾而爲人。一言一動。一出一處。上對祖國。往往有休戚存亡之觀念。下對民國。往往有悲喜歌泣之感情。董天王。董天王。考神傳則天王星之降世也。迄今峯都墟矣。董園荒矣。解衣之榕樹其頽矣。馬蹄井何以四辰不竭。鐵鞭痕何以萬古不磨。岩岩朔山。滔滔月江。正氣之充塞。與旺氣之匱蔚。依然其如昨也。爲王討賊。降雄王壇而殷平矣。爲帝助勝。應大行夢而宋殲矣。此猶其幻者也。代民乞命。張督部禱而得矣。媚神招尤。黃花探禱而喪矣。扶正抑邪。正氣之爲物也。寧非其顯者乎。鄙人乏守斯土。竊有禱焉。崇正氣也。重民命也。謁廟而松風颯。宣誥而梅雨澍。夫豈出於偶然耶。間嘗遊賽會。閱旗軍。見踴躍奔馳。奪竹以一得爲快。歡忻拜稽呼王者。萬啄齊聲。尤嘆此土俗此人心。古樸之儀文。不啻載義勇之精神。以俱出矣。嗚呼。神權之漲落。關辰運。正氣之聚散。係人心。吾儕生長炎邦。皆鴻貉子孫之血統也。誠使念頭有祖國在。不得不對創造祖國之君若相馨香而尸祝之。歌傳而播揚之。董天王之靈蹟記載頗繁。若搜神記。若百神錄。若南史演歌。若南史集編。互有出入。鄙人濫加採訂。考古證今。分爲節目詳誌始末。福山齋墨。聊備神界中之記事珠焉。總之可筆則筆。以疑傳疑。蓋存古也。

# ▲初學漢文課法（續四）

廣平順江陳孟檀樂園寄稿

服用一 冠帶袞冕。甲冑衣巾履屨屣屐。鞋襪裳裙。領袖襟袂。帳幄帷綾羅綢緞。布帛絹絲被褥衾枕。筵席榻床案桌盤几篋笥函箱碗碟匙筯杯盞觴壺盆鉢飯缶甕甌瓶孟鍾鼓琴瑟磬鑼鑼鈸管絃簫笛竽籥笙簧筆硯墨紙燈燭圖書鏡扇巾櫛環瑣簪釵筒笛筐篚蓋笠蓑囊橐杵臼箕帚機梭礮鎗砲彈斧鉞劍刀弓弩箭矢矛杖旌旄車駕輪軸鞭轡鸞鑣舟艦船筏棹楫柁錨衡尺規矩勺合斗升錐釘竿杖羅網線繩。

服用二 花冠玉珥繡衣羅裳竹簟蒲席錦褥藤床手巾腰帶眼鏡耳環汗衫手套鈕扣鈕攀茶壺酒盞蠟燭油燈油筒水桶烟管醬瓶磁瓶漆盒燈罩蠟臺金刀鐵劍玉璽牙牌蠶絲棉布毛筆石硯麻繩鐵線竹管絲絃辰鐘遠鏡雨表即風雨表暑鍼即寒暑針信函書箋響筒風琴。

鳥獸一 牛牢鷄犬猫兔羊猪虎豹犀象駒驃馬驢猿猴麝音射其香可入藥熊兜豺狼狐狸鼠獺麋鹿麝獐鳥爵鷗雉鴨鷺鳬鵝鳳凰鸞鶴鴻雁大曰鴻小曰雁烏鵲鵬鷳產於非洲爲象鳥中最大者鳩鵠鷺鵠鷗鷓鴣燕鶯佳音樵鳥屬小雀

梟鳩鵠鳶

鳥獸二 麒麟獅子水牛駱駝猩猩鬚人面豕身形似猩猩而稍異松鼠箭猪海馬海狗羚羊鬚牛臘犬顛犬家猫野猫象牙犀角熊胆虎威乙字麝香鹿茸猪肉豹皮

鷦鷯信鵠百舌斑鳩麻雀魚虎啄木鳩鵠鳶肩烏喙鵬翼鳳毛雉尾雞子鳩肉燕窠原來戈切今叶音巢

蟲介一 龍蛟鯨鱷龜鼈魚蝦蟹蠔即牡蠣鰐蛤螺蚌蟻蛙蜂蟬蟻虧蟲蟠蠋蛇蠅蚊虱蠹螢蛹即蠶所化

蠶蛾即化所生

蟲介二

田蟹石蟹鱉魚鯉魚海秋

德魚

玳瑁蝦蟆蟾蜍海蝦田螺牡蠣

即螺也

烏賊蝌蚪

青蛙青蛇守宮蝎虎石龍瞎蟲蝙蝠千足蜈蚣蜻蜓蝴蝶螽斯螳螂黃蜂螺蠃蜘蛛蛤蟆青蠅白蟻

螞蟬蠅牛頭虱臭虱促織蜉蝣

朝生暮死

龍鬚龜甲蟹鱉魚鱗蜂蜜蟬退蚊壳螺紋

草木一樹木桑竹檜柏松杉榛栗梨榴杞梓梗楠

橙柑橘柚桃李桂槐枳棘棗杏桐柳檀梅

稻梁菽麥黍稷禾麻芋諸葱蒜芥韭菸茶蓮蕙葵藿蘭菊芝菌薑艾蒲葦苔萍棗芹

草木二梧桐楊柳石榴海棠優曇大柰荔枝檳榔葡萄橄欖甘蔗芭蕉黃梁蜀黍芝麻越椒牡丹

芍藥鳳仙蒺藜芙蓉茉莉甘菊玫瑰楊枝桑葉竹筍松香橘皮桃核柳絮榔房蓮鬚麥穗木末

樹杪竹芽樹蒂花蒂枝條

礦產一金銀銅鐵鉛汞

許貢切卽水銀也

錫鋼珠玉圭璧瑤瑈珩璜鋅鎋鉛

西名呢

鹽礬炭礞

卽石炭

鑄綠土

石砂礫塵埃

礦產二水晶虎珀磁石金剛珊瑚瑪瑙焰硝硫磺紅銅生鐵鹽礦石灰水銀珠砂木炭煙煤

### ▲第二節 虛幻之名目字

雜名一香色光彩

青黃赤白謂之色衆色雜陳謂之彩

體式形容

大小厚薄謂之體方圓曲直謂之形

聲音狀貌

單聲謂之聲雜聲謂之音

迹象痕蹤氣味影響

香臭之類謂之氣甘苦之類謂之味

質料貨財機件端緒點滴涓埃

雜名二天象地勢日影星光人聲物色菓味花香木條石塊水勢山形雨點露滴雷響風聲

雜名三志意念慮言語說詞敕旨記疏策論賦詩性命情慾謀計事機品節條款等級威儀道德

理趣制度倫常律例憲法風俗上所率爲風

下所化爲風

典章勳名功績

有所成就者爲功

有所榮紀者爲績禍福災祥禮樂教化術業紀綱

雜名四天經地義物理人情皇敕帝旨王法官刑君恩國祿父德母功臣節子道國俗民風

◎ 第貳章 指明字 Adjectif

名目字上下間或附以他字。以指明其形式資性數目等第及其別意者。總稱指明字。法國此項字原分八類。茲但取其相似者五類分別言之。

△ 第三節 較量之指明字 Adjectif Comparatif

凡指明字可用以較量名目字之形式資性者即爲較量之指明字。

大小厚薄。巨細精粗。淺深明暗。清濁潔汚。高低廣狹。曲直短長。鈍銳凹凸。斜正圓方。美醜純雜。堅脆剛柔。邇遐遠近。多少稀稠。肥瘦冷熱。疏密緊鬆。微著輕重。繁簡淡濃。辛甘鹹苦。燥濕炎涼。青綠紫赤。黑白紅黃。高下老少。長幼尊卑。優劣貴賤。難易速遲。

接法一 (指明字在日) 大月小雲。暗星明海。深溪淺泥。濁冰清鉤。曲衡直寸。短尺長徑。斜路正筒。圓斛方毛。輕石重舌。柔齒剛桃。紅梅白柳。綠槐黃天。高地下君。尊臣卑金。貴石賤光。速聲遲。

接法二 (指明字在上) 高山大海。巨石細沙。清風明月。濁水清波。長條短桿。曲線彎絲。凹形凸體。鈍角尖錐。精紗粗布。方笛圓球。高堂廣廈。巨艦輕舟。冷水熱火。淡汁濃膠。碧桃紅杏。黃葦白茅。

△ 第四節 斷定之指明字 Adjectif positif

凡指明字不可用以較量名目字之形式資性者即爲斷定之指明字。此與較量字不同。因較量字上下可用。於等字。如尤大尤高。或大於高於之類。而此則均不可用。所以殊耳。但此二項字亦有辰錯出者。不可以不知。

聖神聰睿。孝悌仁慈。聾瞽喑啞。愚蠢暗癡。善惡巧拙。順逆公私。誠僞真假。得失是非。損益利害。隆替盛衰。貧富彊弱。治亂安危。吉凶榮辱。常變險夷。緩急舒窘。盈缺平陂。

接法一 (以下均在名目字上) 聖君賢輔。孝子忠臣。良朋好友。義士仁人。佳期好會。盛世明朝。嘉辰令節。勝夕良宵。良法美意。善政能聲。豐功偉績。顯位高名。嘉言善行。妙算良規。公心私意。闊論迂辭。

〔未完〕

◎ 辰世界之部

〔二〕土希戰事。倫敦近東會議中。一法國對於土耳其國民黨政府表示好意。訂立條約撤退駐兵。而希臘恐土耳其得強國之援。以收回土約所割予希臘之小亞細亞西海岸一帶地也。英國雖有解決近東問題之擬議數條。提交土希兩國。而對於士麥拿塞拉斯兩地之處分。則仍無辦法。希臘遂乘此未解決之時。一面延緩答復。一面進兵小亞細亞。佔據城鎮。爲將來談判時保有士麥拿後衛地之張本。據前月杪雅典電稱。希臘軍蠢動於士麥拿東一百八十四哩之加拉希薩 Kara Hisar 矣。

〔三〕上西萊西亞公民大會之結果。一上西萊西亞自上月十五日舉行公民大會後。結果若何。柏林華沙兩方消息相反。德人慶祝勝利。波蘭亦慶祝勝利。最後小巴黎人報探悉其結果。德之勝利在西部九區。波蘭之勝利在東部十二區。東部產煤。爲寔業區域。故波蘭比較的優勝。然當地之協約國國際委員及英兵。於公民大會事畢後。曾受波蘭暴民之撲擊。據謂波蘭人不滿意於公民大會之結果。遷怒於外人。遂有此舉。是則小巴黎人報所傳之結果如何。尙屬疑問也。

〔三〕德國之騷亂及報紙之評論。一三月三十日巴黎電。柏林電稱。特萊斯登與萊浦齊發生罷工風潮。惟柏林現殊安靜。杜爾門特與愛森兩處。則有劇烈之暴動。共產黨煽動魯爾區域礦工罷工。似已失敗。目下諸礦大半照常工作。

柏林電。萊浦齊與哈爾間各處之共產黨。現復活動。通兩鎮之火車。均已停駛。

(辰談) 世界之部

百五二

〔四〕協約國與德來往牒文。——柏林電。協約國軍事委員會三月十六日牒致德國。指陳解除軍備一事。迄未辦畢。而機關槍尤未寔行解除。蓋留備試驗應用之數。仍較繳出之數為多也。此外尚有許多利器。拆為零件。概以無用附件名之。而究其價值。則逾一千兆馬克。又許多地方如固斯特林等處。尙未如數繳出。自動手槍。炸彈。拋射器與大炮。請於三月三十日以前。將漏繳者繳出。牒文中又聲明。一月二十九日巴黎牒文中關於製造廠之規定。迄今未見履行。二十六日德國托辭覆稱。國防軍僅有和約第一百六十四條與斯巴草約所規定大砲。炸彈。拋射器與機關槍之數。又稱和約並未載明他種軍械之數。德國現有之軍械。未超過十萬兵士之需用。至於訓練用之器械。不合施於寔用。不可視為約文所謂之利器。至於利器。拆為零件之說。寔無其事。以目前之情勢。東境砲臺斷不能續繳大砲。故德國得依據和約而留用之。若海岸一帶。則今已陸續繳出器械。未稱德國並不違背和約所載關於解除軍備之任何條款。此等覆答。可見德國故意圖賴不履條約云。

四月一日巴黎電。德國獨立社會黨機關報評論德政府拒絕協約國要求寔行和約中解除軍備條件事。謂德政府覆文之言。仍屬虛偽。希圖掩飾事寔。要知協約國熟悉和約之規定。不遜於德政府。無需人復作法律上之勸告。諭以和約應如何解釋之道也。協約國不獨自有法律。且有寔施其法律之能力。德政府此種舉動。徒遭失敗耳。協約國會充足證據。以證明德政府關於此事之無善意。故不欲將此解除軍備之爭端。提交公斷。德政府應允協約國之要求。解除軍備。此不獨為對內政策計。且亦為對外政策計。蓋軍事上常有誤會。則經濟問題上亦發生連帶關係也。云云。

〔五〕匈國復辟失敗記。——三月三十日匈京電。加爾專斷政變之失敗。似由於斯台拉滿格軍隊及匈京戍兵一部分反對所致。加爾最先出現於斯台拉滿格。該處里哈將軍不允助之。加爾乃偕二

友前赴匈京。請攝政員交讓政權。郝齊氏不允。並勸加爾遜回瑞士。加爾即偕台里基氏離京。但託病逗遛於斯台拉滿格駐匈英法意三國委員。昨在此間會商。英委員後邀郝齊海軍大將告以協約國反對復辟之決議。

瑞士京城電。加爾之回匈京。瑞士政府大為驚異。蓋初未聞其離境也。加爾之出境。無庸領取執照。或知照當道。如希王康斯丹丁。然惟不得在瑞士境內為政治運動。瑞士政府今保留關於加爾歸來時應施方法之權利。

倫敦電。加爾謀稱帝匈牙利。各報為之大震。蓋已忘耶蘇復活節之專斷政變。乃計畫於數星期前矣。(按二月初路透電稱。聞哈浦斯堡皇室之黨人在聖摩里資議決加爾須於耶蘇復活節回至匈京。蓋匈牙利現欲有君也。)加爾由瑞士出發之詳情。今仍未悉。惟英國官電證。柯受軍隊監視。加爾現待機會復回瑞士。惟瑞士將否容納此潛逃客。尚在不可知之數。據某要津宣稱。英政府不能容忍匈國之復辟。此事徒足引起匈國內訌。且將啓中歐之戰爭。蓋加爾既登皇位。將施行兼併政策。而與匈毗連之各國均將羣起抗之也。

羅馬電。協約國關於加爾回國事。已交換牒文。決議儘速解決此事。均以為未便容許匈國之復辟。匈京來電。雖有佳訊。但匈國攝政員郝齊海軍大將近會語某法人。謂彼殊贊成復辟。三十一日維也納電。各報宣稱。前皇加爾已在斯台拉滿格下令宣布。實行軍事迪克推多制。並仁里哈將軍為陸軍司令。聞軍中共有兵一萬五千名。現準備向匈京進發。據某報載稱。南斯拉夫兵三萬名。現屯集代拉斯定。志在進攻斯台拉滿格。阻止哈浦斯堡皇室復權。

(辰謨) 世界之部

百五四

▲法前總理游美之關係——四月一日華盛頓電。衆對於法前總理維維亞尼氏之游美國。推測不一。維氏到此後曾與哈定總統作短時之會晤。與國務卿休士氏晤談一小時。並與參議員洛志氏及其他美國議員談及法國向德國收取賠款之難題。確聞維氏並未請求物質上之援助。但請美國在法國遇有國際重大情事時。予以精神上之贊助。維氏聲明法國不欲請美國取銷法國對美之債務。法國願履行其所有財政上之義務。法國國會近所發生美國革命時積欠法債之說。並非法國官場之見解。

▲法總理外交演說——六日巴黎電。法總理白里安氏昨在參議院演說外交政策。謂法國財政狀況之不安穩。乃因德國失信之故。德國希圖增加協約國暫時發生之爭點。而不意協約國固結一致以對付之。總理之意。德國俟知協約國決計履行凡爾塞和約時。即將暴露今所隱祕之收入。總理末謂法國以爲不步武美國與俄簽定商約。寔覺謹慎云。

▲法國十九年來產絲之比較——字林報云。據法國公報稱。法國在一九一〇年。共有養蠶者六萬五千五百二十九人。共得蠶卵七萬二千八百二十六盎士。新蘭產額共三百六十萬二千九百零四基羅。茲將近十九年來之出產表轉載於下。

年份	養蠶人數	蠶卵盎士數	蠶繭基羅數
一九二〇	六五五二九	七二八二六	三二〇二九〇四
一九一九	五四四〇一	五七〇七五	二三二一五四七
一九一八	六〇〇五七	六七一三六	三〇一〇四四〇
一九一七	五五九六三	六一二一一	二五六四五八八
一九一六	五二七五八	六一七六五	二八二〇〇三七

一九一五	四三三二七
一九一四	一〇八九四三
一九一三	五〇六七三九二
一九一二	四四二三〇四六
一九一一	六二七八五〇四
一九一〇	五一〇九四二六
一九〇九	四二六九七〇九
一九〇八	八五四六五二六
一九〇七	八四〇九二九九
一九〇六	八三九六二〇一
一九〇五	七五二〇四七七
一九〇四	八〇〇九三九八
一九〇三	七八二五四八五
一九〇二	五九八五四八一
一一八一九九	七二八六五四一
一九八四二七	一八二七一二
一二〇二六六	一八三四四三
一三三七六一	一八九二七九
一二二〇四五	一七八三〇三
一二四四六三	一八八三六〇
一二三八〇四	一八七〇七三
一九〇六	一九〇六
一九〇五	一九〇八
一九〇四	一九〇七
一九〇三	一九〇九
一一九〇二	一九〇六
一一九〇一	一九〇八
一一九〇〇	一九〇九
一一九〇九	一九〇六
一一九〇八	一九〇七
一一九〇七	一九〇九
一一九〇六	一九〇八
一一九〇五	一九〇九
一一九〇四	一九〇七
一一九〇三	一九〇九
一一九〇二	一九〇八
一一九〇一	一九〇九
一一九〇〇	一九〇六

是否需要此約章。乃約章是否將使此希望實現也。又換言之。他人非令吾人發表一種感情。乃令吾人贊成一種計畫也。」又於一九一九年七月念四日致函梅恩州之參議員海爾氏函云。觀今日情形。自應努力設法從速確立和平。俾歐洲得以恢復其工業活動。此已甚為明顯。據吾之意。此等目的。並無必須犧牲美國之利益始能達到之理。在孤立與有害約束之間。固尚有一執爭之路。亦須慎重。以免走入歧途。吾以為吾國宜加入此國際聯盟。而附以一種合理的保留。適合於吾國之安固。又能得他國之承認。如此則和平融洽之境。可以早日成立云云。

▲東美最近之排日熱。——近得舊金山消息。該處報紙近來對於排日。亦復極力鼓吹。三月二十二日之舊金山噎克沙密勅報。並載有五大排日案。一謂檀香山已受日人之威迫。最近人口調查之數字。足以證之。我美人不可不未雨綢繆。三加州之日本人所設學校。宜定出法律全數撲滅之。三農務局贊成禁止外人土地所有法案。四日人對於國務總理及通商委員會之陳情趣旨。宜一一揭開其內幕。五據由日本歸國之教士所言。日本已注全力於擴充軍備。此教士係最近由東洋歸至舊金山者。名為威廉黑斯洛浦云。又據舊金山電訊。加州議會上院已可決一課外人人頭稅。美金十元案。下議院則全體一致通過「日本學童離隔案」云。

▲英日續約之進行。——近者英日同盟條約。業經雙方當局決定續簽。迭見各報刻據外交團方面消息。謂現在駐美日本公使林權助氏。已與英政府為正式之條文談判。但正式訂約。須俟前駐英日本公使珍田氏到英。為有力之意見交換後。始能訂定云。

△日本之財政與海軍。——四月一日東京電。日政府自今日起入於新會計年度。其預算案之鉅大。爲日本立憲政府成立以來所未有。據財政專家意見。政府對於收入估計逾分。此乃觀於商況之無進步而可知者也。今年內商務未必有起色。故政府將不得已展緩海軍之擴張。蓋預算案以此項爲最巨也。又據財政專家云。雖鐵路之生利事業。亦將節省經費。裁減人員。是以不生利之海軍擴張。雖討論良久。然至少一年內不克寔現云。

△日人之雅泊島管理談。——十一日東京電。美國關於委託管理權之牒文。使此間有思想者均大爲詫異。各方面之意見。皆謂美國於詢問其元首贊成之條款前。必須確定其關於和約之地位。此間視美國參院不核准和約。純爲美國之事件。與他國無干。不能有影響。及於公認國際條約諸條款之厲行。目下之局面。當不致有切寔之發展。蓋日本關於雅泊島事。不能決定其地位。雅泊島問題。非俟美國正式取銷其條約上之簽字證。或不與聞。媾和大會事務之結果。不能由仁何一國提出質問也。

## ●中國之部

△中國之政局。——近日北京財政困難。盡人知之。而其內幕則非外間所得盡悉。斯雲鵬組閣之始。即決定量入爲出四字。以爲救濟目前之入手辦法。原冀各方面勇於謀國。急切寔行。乃至今仍未得各方面協助。故財政上之困難。始終未獲解除。聞財政部可靠之收入。除各省解款均爲截留外。中央直接收入者。不外下列數種。一、關餘鹽餘(指定爲整理公債基金。按)。二、印花稅(抵押至民國十二年底止)。三、崇文門稅關(抵押至民國十一年六月底止)。四、津浦鐵路貨捐局(抵押至民國十一年六月底止)。五、張家口殺虎口塞北多倫四關收入(蒙事影響。但最近受

(收入銳減。每月尚不及十萬元。)

六 所得稅(無收)

(計法)

七 烟酒公賣(無會)

(計法)

按上種種可知北京政府目下寔無一款之收入而須六百萬元試問非從裁兵減政入手有何辦法了此難關惟此中有最可注意者即第一項之關餘鹽餘係爲政府每月之飯錢現既提爲整理公債基金以維持票面之信用聞銀行界方面最近亦感於當局維持之苦心頗有同力合作之覺悟大約再經幾度接洽財政上當能稍見活動云

△青島之安福派——濟南通信云自直皖戰爭後安福失勢列名罪魁者均紛紛逃避而前東路司令張樹元邊防第一師長馬良亦先後奔赴青島至前陝西蹇業廳長陳幹本不在通緝之列嗣以光雲錦被捕供其爲孫(文)徐(鋒)奔走於是陳亦不得不追蹤張馬之後而至青島自該三人到青後即已謠諑繁興又值小徐自日使館逃出更屬滿城風雨之日然察之此諸人中惟陳幹頗利害不知此後有何舉動否姑誌之以觀其後

△李烈鈞進擾湘西——大陸報三月二十九日漢口電云據常德日商報告謂該處有發生戰事之謠言現常德及洪江兩處居民正紛紛向長江下游逃避李烈鈞與趙恆惕之軍隊已小戰數次李軍迭獲勝利刻趙氏正在厚集軍力以備抵禦李氏則聯合兵匪以圖進攻雙方大戰即在目前現湘西經李軍及盜匪之騷擾已成一毫無法紀之世界輪船航路及商業上之交通已悉爲阻礙云△中國之粵局——孫文自來廣東之後南方政府欲更選南方之總統以與北方對峙故孫氏選舉總統之聲浪愈高仍孫氏依於廣東而據各報所載則廣東省長陳炯明未必與孫氏表同情者故恐呼號最熱之選總統的聲浪不久亦成沈寂矣惟吾儕試觀近日孫氏在廣東之主張則知孫氏亦有希望應選南方總統之熱度未知可以達致與否試先揭出其兩項舉動如左

三月二十日在教育會演講五權憲法之要義。此為宣布政見。欲一般人民皆能瞭解。次日又於軍府政務會議親將五權法之意見提出討論。並將圖表三幅懸出口。講指畫。謂此種憲法關係國家立國之根本。甚為重要。不日即當見諸事寔也。一為在北郊閱兵。孫自重興軍府而後即首注意自編軍隊。成一有力之政府。今第一路司令黃大偉所部軍隊已編練完備。二十二號孫中山親往北較場。舉行閱兵式。張繼何克夫等多人均隨之而往。全軍均已檢閱。傳語嘉獎。始行回府。此又為一種之表示也。觀此情形。總統選舉之事。今日確有急切進行之趨勢。至於粵中某要人。雖期期以為不可。然軍府中人則以為應國內外人情勢之要求。寔以此為當今急務。就使中間發生阻力。亦當以快刀斬亂絲手段行之。而無所顧惜。究竟將來變化如何。則須驗之日後矣。

△中國北鄙之庫倫亂局。一。庫倫失陷後。叨烏相繼失守。而恰克圖復被匪黨三面包圍。形勢亦極險惡。政府方面迄今尚無切寔辦法。乃據昨日所聞。中東路俄舊黨又有勾結蒙匪謀攻海拉爾之消息。此事係由巴龍所主動。其計畫擬派遣布里雅特兵五千。由呼倫湖進攻海站。迫令該處蒙人恢復獨立。一面暗派黨羽阿力滿等潛入中東路沿綫。勾結謝喀兩部餘黨。並煽動蒙民。俟布里雅兵開到呼倫。一律起而響應。昨日黑督孫烈臣已將上列情形陳報抵京。傍晚又續來一電。內容略云。頃據海拉爾駐軍報告。巴龍謀攻海拉爾甚急。我軍兵力單弱。在在堪虞。張鎮守使又帶隊外出。勦匪。務請迅飭張使從速回防。鎮攝等語。除飛電該鎮守使尅日回防布置一切外。謹聞云云。又據外訊。滿洲里地方為先事預防起見。亦已於本月二十一日起施行特別戒嚴。

恰克圖前有不守之說。頃據外人方面所得電訊。俄舊黨攻取庫倫後。即暫借為根據地。以期漸次壓迫赤塔政府。而為反過激派之一種示威運動。故恩琴等陷庫以後。又轉而北窺恰防。赤塔政府

知俄舊黨之用意。派遣大隊駐紮恰境。以爲對抗之舉。中國本不願借外力以平內亂。曾由陳毅迭派李垣與赤塔政府交涉。而該政府爲自衛計。深知恰無援軍。勢將立陷。必受重大之影響。故仍駐軍於該處。並聞高袁所部餉械兩缺。雖政府曾電令管尙平領事就近籌墊。終覺無法應付。現在恰軍隊均食向以餒馬之紅麥。不勝其苦。居民尤風鶴頻驚。時虞俄新舊黨之發生戰事。已遷避一空。紛傳恰城失守之說。即因此而起云。

### ▲東法辰事

全權大憲抵河內。及中北兩圻列大憲之赴蒞。——全權龍大人已於西三月三十日由法抵達西貢。大人逗留西貢一星期。順道往順京晉謁。皇上迨西四月中旬已抵達河內矣。北圻統使蒙大(即 Monguillot)大人。中圻欽使博稽(M. Pasquier)大人。亦已於西四月二十九日抵達海防。蒙大人抵河內後。即赴北圻統使之蒞。博稽大人將逗留河內幾日。即於五月三日晚由河內起程往順京赴中圻欽使之蒞。且博稽大人前年任全權府管理之職。曾爲本誌指導一切。誠爲本誌最寶貴之恩人。公又一法國之文學家。曾著書一部爲「古安南」[Annam d'autrefois]。書中極贊美我國。昔辰之文化。卷首大人之序文有云。『有人讀是編多責余爲之過愛安南人。余請援孟德斯鳩之語爲證。』余於遊歷各國辰。則其愛此各國之心。無異於愛祖國之心。而余對於所遊歷之國。幾若入家隨俗。故余之草斯編者。亦此意也。云云。』觀此則足知大人對於我安南真寔密切之感情爲何如也。今公重任中圻欽使之職。則知公必以此密切之感情。爲我中圻人造福無疑也。雖然。凡我中圻人。當奮發自勉。以致同心共濟之效。庶使中圻之進化。從此可達其希望乎。